



Bosna i Hercegovina
Federacija Bosne i Hercegovine
Zeničko-dobojski kanton
Zavod zdravstvenog osiguranja Zeničko-dobojskog kantona

e-mail: kzzo.ze@zzozedo.ba

Broj: 06-45-27511-4/26 (H.A.)

Zenica, 19.01.2026. godine

Na osnovu Zakona o javnim nabavkama Bosne i Hercegovine ("Službeni glasnik BiH", broj 39/14, 59/22 i 50/24), Pravilnika o postupku dodjele ugovora o uslugama iz Aneksa II. Zakona o javnim nabavkama ("Službeni glasnik BiH", broj 2/33), Zapisnika o pregledu i ocjeni ponuda broj: 06-45-27511-3/26 od 16.01.2026.godine, direktor donosi

ODLUKU
o dodjeli ugovora

Član 1.

Ugovor za nabavku zdravstvenih usluga primarnog i dijela sekundarnog nivoa zdravstvene zaštite iz obaveznog zdravstvenog osiguranja za osigurana lica općine Tešanj za 2026. godinu dodjeljuje se ponuđaču JZU Dom zdravlja „Izudin Mulabećirović-Izo“ Tešanj, ul. Braće Pobrić 17, Tešanj, a po prihvaćenoj ponudi ponuđača po provedenom javnom pozivu za dostavljanje ponuda u postupku javne nabavke usluga iz Aneksa II. Zakona o javnim nabavkama.

Član 2.

Ugovor za nabavku zdravstvenih usluga primarnog i dijela sekundarnog nivoa zdravstvene zaštite iz obaveznog zdravstvenog osiguranja za osigurana lica općine Tešanj za 2026. godinu, zaključit će se po prihvaćenoj cijeni od 10.005.439,00 KM.

Član 3.

Ova Odluka stupa na snagu danom donošenja.

Obrazloženje

U skladu sa Zakonom o javnim nabavkama ("Službeni glasnik BiH", broj: 39/14, 59/22 i 50/24) i Pravilnikom o postupku dodjele ugovora o uslugama iz Aneksa II. Zakona o javnim nabavkama ("Službeni glasnik BiH", broj 2/23), donesena je Odluka o pokretanju postupka javne nabavke zdravstvenih usluga primarnog i dijela sekundarnog nivoa zdravstvene zaštite iz obaveznog zdravstvenog osiguranja za osigurana lica općine Tešanj za 2026.godinu broj: 06-45-27511/25 od 29.12.2025.godine.

U skladu sa članom 5. naprijed navedenog Pravilnika o postupku dodjele ugovora o uslugama iz Aneksa II. Zakona o javnim nabavkama, objavljen je Javni poziv na Portalu javnih nabavki, zajedno sa Obavještenjem o nabavci broj: 108-9-2-19-22-93/25.

Komisija za provođenje postupaka javnih nabavki zdravstvenih usluga imenovana Rješenjem broj: 06-45-27501/25 od 29.12.2025.godine je dana 12.01.2026.godine u 12.00 sati, održala sjednicu o razmatranju pristiglih ponuda za nabavku zdravstvenih usluga primarnog i dijela sekundarnog nivoa zdravstvene zaštite iz obaveznog zdravstvenog osiguranja za osigurana lica općine Tešanj za 2026. godinu.

Na održanoj sjednici Komisija je konstatovala da su blagovremeno na protokol ugovornog organa pristigle dvije ponude i to:

Dana 08.01.2026. godine u 12:00 sati ponuda ponuđača Zdravstvena ustanova-Poliklinika sa dnevnom bolnicom „MEDICUS“ Tešanj, Vukovo 156, Tešanj, po cijeni od 332.014,00 KM,

Dana 09.01.2026. godine u 08:40 sati ponuda ponuđača JZU Dom zdravlja „Izudin Mulabećirović-Izo“ Tešanj, Braće Pobrić 17, Tešanj po cijeni od 10.005.439,00 KM.

Nakon pregleda i ocjene ponuda Komisija je konstatovala: da je ponuda ponuđača JZU Dom zdravlja „Izudin Mulabećirović-Izo“ Tešanj, Braće Pobrić 17, Tešanj, prihvatljiva i u skladu sa zahtjevima Javnog poziva.

Prilikom pregleda i ocjene ponude Komisija je konstatovala da je ponuda ponuđača Zdravstvena ustanova-Poliklinika sa dnevnom bolnicom „MEDICUS“ Tešanj, neprirodno

Zenica, dr. A.A Borića 28B, tel: +387 32 466 285, fax: +387 32 466 282,

Depozitni račun - KM: ASA Banka D.D. Sarajevo 134010000002157, Regist. kod: Kantonalni sud Zenica pod brojem UII-1081, ID PU : 4218306150006,

Poslovnice ZZO:

Breza, Zavnbobih-a 2 Tel: 032 789 180
Doboj-Jug, Matuzići bb Tel: 032 699 111
Kakanj, Alije Izetbegovića 50 Tel: 032 557 820
Maglaj, Ilijasa Smajlagića bb Tel: 032 609 151
Olovo, Branilaca Olova bb Tel: 032 828 050
Tešanj, Braće Pobrić bb Tel: 032 656 200

Zavidovići, Branilaca grada bb
Zenica, dr. A.Aska Borića 28b
Žepče, Ulica prva
Usora, Srednja Omanjska bb
Vareš, Zvijezda 6
Visoko, Branilaca Bosne 11

Tel: 032 877 767
Tel: 032 466 261
Tel: 032 880 606
Tel: 032 895 257
Tel: 032 849 070
Tel: 032 731 151

niska. Slijedom navedenog, Ugovorni organ je u skladu sa Uputstvom za pripremu modela tenderske dokumentacije („Službeni glasnik BiH”, broj 90/14) od ponuđača Zdravstvena ustanova-Poliklinika sa dnevnom bolnicom „MEDICUS“ Tešanj, Vukovo 156, Tešanja, Zahtjevom broj: 06-45-27511-2/26 od 13.01.2026.godine zahtijevao pojašnjenje neprivredno niske ponuđene cijene. Rok za dostavu pojašnjenja je bio 16.01.2026.godine.

Dana 15.01.2026.godine Zdravstvena ustanova-Poliklinika sa dnevnom bolnicom „MEDICUS“ Tešanj, je dostavila Pojašnjenje.

Nakon razmatranja dostavljenog pojašnjenja neprivredno niske cijene od strane ponuđača Zdravstvena ustanova-Poliklinika sa dnevnom bolnicom „MEDICUS“ Tešanj, Ugovorni organ je konstatovao da navedeni ponuđač nije ponudio osnovano pojašnjenje/obrazloženje, te je u skladu sa članom 66. stav (1) Zakona o javnim nabavkama BiH, odbacio ponudu.

Razlozi odbacivanja ponude ponuđača Zdravstvena ustanova-Poliklinika sa dnevnom bolnicom „MEDICUS“ Tešanj, su sljedeći:

Na zahtjev Ugovornog organa da pismeno pojasni/obrazloži neprivredno nisku ponuđenu cijenu koja je u odnosu na procijenjenu vrijednost nabavke znatno niža, nije ponuđeno osnovano obrazloženje. Umjesto toga Zdravstvena ustanova-Poliklinika sa dnevnom bolnicom „MEDICUS“ Tešanj, opisno navodi tvrdnju da je implementacija porodične medicine u BiH započela 2000. godine kao pilot projekat u okviru reforme zdravstvenog sistema, uz podršku međunarodne zajednice, da je Zdravstvena ustanova-Poliklinika sa dnevnom bolnicom „MEDICUS“ Tešanj, imao dva tima porodične medicine, koji su završili propisanu edukaciju iz porodične medicine, da su tretirani kao dio mreže timova porodične medicine DZ Tešanj, da su pružali zdravstvenu zaštitu osiguranim licima sa područja naselja Vukova, Rosulja, Ljetinići, dio Novog sela i dio Cerovca, da su djelovali uz odobrenje Ministarstva zdravstva ZDK uz ispunjenje prostorne, kadrovske i tehničke standarde. Iznijete su tvrdnje da je rad ambulante pozitivno ocijenjen od strane osiguranika, prepoznate od Zavoda i Ministarstva zdravstva kao primjer dobre prakse, pohvaljivane zbog dostupnosti, kvaliteta i kontinuiteta zdravstvene zaštite. Nadalje, da jednostran prekid nastavka projekta porodične medicine u Medicusu nije službeno obrazložen, da Zdravstvena ustanova-Poliklinika sa dnevnom bolnicom „MEDICUS“ Tešanj, **ne pretenduje na preuzimanje kompletnog obima primarne i sekundarne zaštite**, niti konkurentski odnos sa DZ Tešanj, **već da se njihova prijava isključivo odnosi na učešće dva tima porodične medicine, te da je iz toga razloga cijena realna, racionalna i ekonomski održiva.” Ugovorni organ je predmetnim Javnim pozivom (PRILOG 7) tražio cjelovitost izvršenja Programa zdravstvene zaštite za osigurana lica Zeničko-dobojskog kantona za 2026.godinu u općini Tešanj.**

Na naprijed navedene navode Ugovorni organ ističe da je procijenjena vrijednost nabavke određena na sljedeći način:

Vrijednost ugovora sa zdravstvenim ustanovama utvrđuje se zavisno od broja pripadajućih bodova po Programima zdravstvene zaštite. Broj bodova svake od zdravstvenih djelatnosti u Programu zdravstvene zaštite određen je primjenom Naredbe o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine ("Službene novine Federacije BiH", broj: 82/14, 107/14 i 58/18) i Odlukom o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova („Sl. Novine Ze-do kantona“, broj 19/19,10/24 i 1/25). Primjena ovih pravnih akata je obavezujuća za Zavod. Vrijednost programa za svaku zdravstvenu djelatnost se iskazuje brojem bodova koji zavisi od broja i strukture osiguranih lica, a vrijednost boda se dobija u skladu sa raspoloživim sredstvima u Finasijskom planu Zavoda.

Javnim pozivom za nabavku zdravstvenih usluga primarnog i dijela sekundarnog nivoa zdravstvene zaštite iz obaveznog zdravstvenog osiguranja za osigurana lica općine Tešanj za 2026.godinu tražena je Izjava (Prilog 7) kojom ponuđač garantuje cjelovitost izvršenja Programa zdravstvene zaštite za osigurana lica ZDK u općini Tešanj što je i osnov za određivanje vrijednosti ugovora odnosno cijene. U svrhu dokazivanja istinitosti Izjave (Prilog 7) Ugovorni organ je tražio na uvid da ponuđač dostavi kopiju Rješenja Ministarstva zdravstva o ispunjavanju uslova kadra, prostora i opreme.

Program zdravstvene zaštite za općinu Tešanj obuhvata sljedeće zdravstvene djelatnosti

djelatnosti:

- Porodična medicina na području cijele općine Tešanj
- Zdravstvena njega u zajednici - URBANO područje
- Zdravstvena njega u zajednici - RURALNO područje
- Zdravstvena zaštita djece u dobi od 0 do 6 godina
- Centar za imunizaciju
- Centar za rani rast i razvoj
- Zdravstvena zaštita žena
- Zdravstvena zaštita kod specifičnih i nespecifičnih plućni oboljenja
- Higijensko-epidemiološka služba -HES
- Zdravstvena zaštita zuba i usta djeci i omladini do 19 godina
- Zdravstvena zaštita zuba i usta odraslim
- Laboratorijska dijagnostička djelatnost
- Radiološka dijagnostička djelatnost
- Centar za mentalnu rehabilitaciju
- Ultrazvučna dijagnostička djelatnost - UVZ
- Centar za psihofizičke i govorne poteškoće djece i adolescenata u dobi 6-18 godina
- Centar za fizikalnu rehabilitaciju
- Apoteka za VP
- HITNA MEDICINSKA POMOĆ
- Pedijatrija
- Ginekologija i akušerstvo
- Pulmologija
- Neurologija
- Otorinolaringologija
- Oftalmologija
- Dermatovenerologija
- Pedodoncija

Zdravstvena ustanova-Poliklinika sa dnevnom bolnicom „MEDICUS“ Tešanj, u cilju dokazivanja istinitosti potpisane Izjave iz Priloga 7 Javnog poziva, nije dostavio na uvid Rješenje Ministarstva zdravstva Zeničko-dobojskog kantona kojim se dokazuje ispunjavanje uvjeta prostora, opreme i kadra za obavljanje naprijed navedenog Programa zdravstvene zaštite za općinu Tešanj za 2026.godinu.

Uzimajući u obzir gore navedeno, Izjava odgovornog lica Zdravstvena ustanova-Poliklinika sa dnevnom bolnicom „MEDICUS“ Tešanj iz Priloga 7 Javnog poziva: „Da u slučaju da naša ponuda bude odabrana kao najpovoljnija, garantujemo cjelovitost izvršenja Programa zdravstvene zaštite za osigurana lica Zeničko-dobojskog kantona za 2026.godinu u općini Tešanj” se **ne može smatrati ispravnom/istinitom**.

Slijedom navedenog, jasno se vidi da je cijena ponude ponuđača krajnje „nerealna“, a i sam u dostavljenom Obrazloženju navodi da je namjera istog da imaju partnerski odnos i učešće u mreži timova porodične medicine, iz čega proizilazi da nisu u mogućnosti obavljati cjelovitost izvršenja predmetnog Programa zdravstvene zaštite za općinu Tešanj kako je traženo predmetnim Javnim pozivom.

Imajući u vidu navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, u rokovima propisanim članom 101. Zakona o javnim nabavkama ("Službeni glasnik BiH", broj: 39/14, 59/22 i 50/24).

DOSTAVLJENO:

- 1x Ponuđači
- 1x Služba za javne nabavke
- 1x a/a

DIREKTOR

Ahmed Kasap, mag.oec.

